

UGOVOR  
O VANLINIJSKOM (UGOVORENOM) PREVOZU

Zaključen u Sarajevu dana 14.06.2017. godine, nakon provedenog postupka javne nabavke u skladu sa odredbama Zakona o javnim nabavkama BiH – u postupku dodjele ugovora putem direktnog sporazuma, između:

1. „Vildan tours“ d.o.o. Sarajevo, sa sjedištem u Sarajevu, ulica Donji Hotonj 18, koga zastupa direktorica Vildana Šiljak, ID broj: 4200243640001, s jedne strane (u daljem tekstu: prevoznik)

i

2. **KJU Dom za djecu bez roditeljskog staranja**, sa sjedištem u Sarajevu, ulica Bjelave 52, koju zastupa direktor Saudin Đurđević, ID broj: 4200556690000, žiro račun: Depozitni račun Kantona Sarajevo, s druge strane ( u daljem tekstu: korisnik prevoza)

Ugovorne strane su se sporazumjele o sljedećem:

### 1. PREDMET UGOVORA

#### Član 1.

Predmet ovog Ugovora je uređivanje međusobnih odnosa ugovornih strana radi vanlinijskog prevoza grupe putnika korisnika prevoza kao organizatora putovanja, a koji će se obaviti na relaciji: Sarajevo – Zaostrog (Republika Hrvatska) i Zaostrog – Sarajevo.

Prevoz na relaciji iz stava 1. obaviti će se 17.06.2017. i 23.06. 2017. godine.  
Vrijeme i mjesto polaska i povratka je prema dostavljenoj narudžbenici.

### 2. PREVOZNA SREDSTVA

#### Član 2.

Ugovorne strane su saglasne da se prevoz iz člana 1. ovog Ugovora obavi autobusom koji ispunjava zahtjeve Korisnika prevoza po udobnosti i komforu, posjeduje potrebnu dokumentaciju i opremu u skladu sa zakonskim propisima iz oblasti drumskog saobraćaja.  
Autobos posjeduje klima uređaj, audio i video sistem, mini bar i wc kabinu.

### 3. CIJENA PREVOZA

#### Član 3.

Cijena vanlinijskog prevoza iz člana 1. ovog Ugovora utvrđuje se u skladu sa Ponudom prevoznika od 03.06.2017. godine kojom su utvđene cijene usluga za vanlinijski prevoz, a koja se smatra sastavnim dijelom ovog Ugovora.

Cijena prevoza na ugovorenoj relaciji iz člana 1. ovog Ugovora iznosi **1.525,00 KM sa PDV-om**.

Plaćanje će se izvršiti po dostavljenoj urednoj fakturi Pružaoca usluga, prema pravilima trezora Ministarstva finansija Kantona Sarajevo.

#### 4. OBAVEZA PREVOZNIKA

##### Član 4.

Prevoznik se obavezuje da će prevoz grupe putnika – korisnika prevoza vršiti na način određen ovim Ugovorom, te da prilikom obavljanja vanlinijskog prevoza neće primati druge putnike osim grupe putnika - korisnika prevoza.  
Prevoznik je dužan da vozilo kojim vrši prevoz iz člana 1. ovog Ugovora obilježiti oznakom da je vanlinijski prevoz.

##### Član 5.

U slučaju tehničkog kvara autobusa u toku vožnje koji onemogućava bezbjedan nastavak vožnje, Prevoznik je dužan da otkloni kvar u što kraćem roku ili da obezbijedi drugi autobus istog ili sličnog kvaliteta i komfora.

#### 5. OBAVEZA KORISNIKA PREVOZA

##### Član 6.

Korisnik prevoza je dužan sačiniti spisak putnika koji će koristiti prevoz iz člana 1. ovog Ugovora i dostaviti ga prevozniku.  
Korisnik prevoza preuzima obavezu urednog čuvanja prtljaga grupe putnika – korisnika prevoza.

#### 6. PRELAZNE ODREDBE

##### Član 7.

Ugovorne strane su saglasne da će se eventualni sporovi nastali u realizaciji ovog Ugovora rješavati mirnim putem – dogovorom, a ako to ne bude moguće nadležan je sud u Sarajevu.

##### Član 8.

Ovaj Ugovor sačinjen je u četiri (4) istovjetna primjerka od kojih svaka strana zadržava po (2) dva primjerka.


ZA PREVOZNIKA



Broj: 14.06.07  
Datum:



ZA KORISNIKA PREVOZA



Broj: 1188/17  
Datum: 14.06.2017. godine